

**Ташувчининг фуқаролик жавобгарлигини мажбурий суғурта қилиш
ШАРТНОМАСИ**

Жиззах шаҳри

1305/59/0241-сон

2021 йил «20» декабрь

Кейинги ўринларда «Ташувчи» деб аталадиган « **РЕСПУБЛИКА ИНКАССАЦИЯ ХИЗМАТИ ДУК ЖИЗЗАХ ВИЛОЯТ БОШКАРМАСИ**» ишончнома асосида ҳаракат қиладиган **Директор MUZAFFAR RAZIQOV ZAIROVICH** орқали, бир томондан, ва Ўзбекистон Республикаси Молия вазирлиги томонидан **2016 йил 25 апрелда** берилган **SF серияли 214-сон** лицензия асосида фаолиятни амалга оширадиган ва **2015 йил 15 октябрдаги 1-сон** суғурта шерикчилигини тузиш тўғрисида биргаликдаги фаолият тўғрисидаги шартномага асосан Ташувчининг фуқаролик жавобгарлигини мажбурий суғурта қилиш бўйича суғурта шерикчилиги номидан унинг фаоли сифатида ҳаракат қиладиган, кейинги ўринларда «Суғурталовчи» деб аталадиган «**GROSS INSURANCE**» **МШҲ 2021 йил 01-декабрдаги 262-сонли Ишончнома** асосида ҳаракат қиладиган **Жиззах Минтакалараро филиали директори Тожибаева Назира Кубаевна** орқали, иккинчи томондан, ушбу шартномани қуйидагилар тўғрисида туздилар:

1. Шартноманинг предмети

1. Суғурталовчи ушбу шартномага ва Ўзбекистон Республикаси Вазирлар Маҳкамасининг 2015 йил 15 сентябрдаги 266-сон қарори билан тасдиқланган Ташувчининг фуқаролик жавобгарлигини мажбурий суғурта қилиш қоидаларига мувофиқ суғурта ҳодисаси юз берган тақдирда жабрланувчига ёки наф олувчига ёхуд Ташувчига ушбу шартноманинг амал қилиши даврида йўловчиларнинг ҳаёти, соғлиғи ва (ёки) мол-мулкига етказилган зарарнинг ўрнини қоплаш мажбуриятини олади.

2. Суғурта пули ва суғурта мукофоти

2. Ушбу шартнома бўйича суғурта пули мазкур шартноманинг иловасига мувофиқ **792 000 000,00 (Етти юз тўқсон икки миллион) сўмни** ташкил қилади.

3. Битта йўловчига белгиланган суғурта пули: унинг ҳаёти ёки соғлиғига етказилган зарарнинг ўрнини қоплаш учун — **40 000 000,00 (Қирқ миллион) сўмни**; унинг мол-мулкига етказилган зарарнинг ўрнини қоплаш учун — **4 000 000,00 (Тўрт миллион) сўмни** ташкил қилади.

4. Ушбу шартнома бўйича суғурта мукофоти мазкур шартноманинг иловасига мувофиқ **1 620 400,00 сўм (Бир миллион олти юз йигирма минг тўрт юз сўм 00 тийин) ни** ташкил қилади.

5. Суғурта мукофоти ушбу шартнома тузилган санадан бошлаб **беш иш куни** мобайнида бир йўла тўланади.

3. Шартноманинг кучга кириши ва амал қилиш муддати

6. Ушбу шартнома томонлар имзолаган вақтдан бошлаб кучга киради ва бир йил мобайнида амал қилади, агарда ташувчининг фуқаролик жавобгарлигини мажбурий суғурта қилиш бўйича суғурта полисида бошқа давр кўрсатилмаган бўлса.

Суғурталовчининг мажбуриятлари ташувчининг фуқаролик жавобгарлигини мажбурий суғурта қилиш бўйича суғурта полисида кўрсатилган суғурта даврининг бошланғич санасидаги соат 00.00 дақиқадан, лекин суғурта мукофоти Суғурталовчининг ёки суғурта агентининг ҳисоб рақамига тушган кундан кейинги кундан олдин бўлмаган санадан бошлаб кучга киради ва ташувчининг фуқаролик жавобгарлигини мажбурий суғурта қилиш бўйича суғурта полисида кўрсатилган суғурта даврининг охириги санасидаги соат 24.00 дақиқада тугайди.

7. Суғурта мукофоти Ташувчи томонидан Суғурталовчининг ҳисоб рақамига пул маблағларини ўтказиш йўли билан тўланади. Пул маблағларининг Суғурталовчининг ҳисоб рақамига тушган санаси ушбу шартнома бўйича суғурта мукофоти тўланган сана ҳисобланади.

4. Томонларнинг ҳуқуқ ва мажбуриятлари

8. Ташувчи қуйидаги ҳуқуқларга эга:

Суғурталовчидан ушбу шартнома шартларини тушунтириб беришни талаб қилиш;
Суғурталовчининг суғурта товонини тўлашни рад этиш тўғрисидаги қарори юзасидан шикоят қилиш.
Ташувчи қонун ҳужжатларига мувофиқ бошқа ҳуқуқларга ҳам эга бўлиши мумкин.

9. Ташувчи:

ушбу шартнома бўйича суғурта мукофотини қонун ҳужжатларида белгиланган шартлар асосида ва тартибда тўлаши;
Ташувчининг транспорт воситаларини бошқарувчи шахсларни ушбу шартнома шартлари билан таништириши, шу жумладан, мазкур шартнома бўйича тарафларнинг ҳуқуқ ва мажбуриятларини тушунтириши;

ташиш кунинда амалда бўлган ташувчининг фуқаролик жавобгарлигини мажбурий суғурта қилиш бўйича суғурта полисининг ўзи тасдиқлаган нусхасини ўзи фойдаланаётган барча транспорт воситаларига ва (ёки) ўзининг расмий веб-сайтига жойлаштириши;

жабрланувчи ёки наф олувчи етказилган зарарнинг ўрнини қоплаш тўғрисидаги талабни ўз ичига олган талабнома билан мурожаат этган пайтдан эътиборан беш иш кунидан кечиктирмай Суғурталовчини ташиш чоғидаги ҳодиса ҳақида ёзма шаклда хабардор қилиши;

агар суғурта товони жабрланувчи ёки наф олувчи томонидан ҳужжатларни қалбакилаштириш ёки бошқача тарзда алдаш оқибатида асоссиз равишда ортиқча тўланган бўлса, бу ҳақда Суғурталовчига маълум қилиши ва ортиқча тўланган маблағларни суғурталовчига қайтариш юзасидан зарур чораларни кўриши шарт.

Ташувчи қонун ҳужжатларига мувофиқ бошқа мажбуриятлар ҳам олади.

10. Суғурталовчи қуйидаги ҳуқуқларга эга:

жабрланувчининг ёки наф олувчининг талабномасини Ташувчи томонидан кўриб чиқишда иштирок этиш, зарур ҳолларда эса тегишли экспертларни жалб этиш;

суғурта ҳодисалари юзага келишининг олдини олиш бўйича тавсиялар бериш;